

AUG 10 1929

41

中華郵政特准掛號立案之報紙

中華民國十八年八月一日

第二卷

第二十二期

北平北洋圖書館藏

山西村政旬刊

山西省政府村政處刊行

孫 總 理 遺 像

革 命 尚 未 成 功



同 志 仍 須 努 力

總 理 遺 囑

余致力國民革命凡四十年其目的在求中國之自由平等積四十年之經驗深知欲達到此目的必須喚起民衆及聯合世界上以平等待我之民族共同奮鬥現在革命尚未成功凡我同志務須依照余所著建國方略建國大綱三民主義及第一次全國代表大會宣言繼續努力以求貫徹最近主張開國民會議及廢除不平等條約尤須于最短期間促其實現是所至囑

山西村政旬刊第二卷第二十二期目錄

山西禁煙紀念大會展覽品之一部 日人販賣丹料被逐出境攝影

法令

- 令大同第八十五縣指導糾正禁殺各獎文(七月十二日民字第九號).....一
- 訓令各機關 縣政府 遵照中央訓政時期黨務進行計畫案文(七月十二日秘字第九號).....一
- 電令谷 前認真查禁 實察員查報賣空買空囤積房奇以維民食文(七月十三日民字第七七一號).....五
- 指令太各縣因不悉心稽核清冊記過一次並限于文到三日內另遺送核文(七月十七日考字第七五六號).....五
- 指令榆次縣不准組織為縣長個人省心省事之村政促進會文(七月十七日考字第七七一號).....六
- 委任狀十七件.....七

黨聲

- 中宣部製定宣傳大綱.....九
- 中宣部通令各黨部嚴密檢舉改組派之行動言論.....十
- 二中全會紀略(一續).....十

紀事

- 村政大專記(十二年).....十四
- 本處總理紀念週紀錄.....十九

產育常識

- 孕期內之衛生法.....(安增壽)二一

調查

- 各縣村禁約進行概況(十五年七月至十六年六月據實察員報告).....二三

考鏡

內政部十八年度第一季行政計畫	三十一
修改禁烟考成條例(內政部與禁煙會會員國府)	三二
國際聯合會催送禁烟報告	三三
國父應有之外交知識(在復旦大學講演)	三四
(王景岐)	
本年對村政實察員之詢問事項(七月十五日)	三七
辦理烟丹案賞金一覽表	三七

特載

太原黨政學院所編印之

黨政半月刊

▲闡揚三民主義

▲研究建設方案

▲注重社會調查

▲探討實際問題

價目：全年二十四冊，大洋一元零年十二冊，大洋五角(郵費在內)每期零售大洋伍分

編輯及發行者：太原龍王廟街太原黨政學院

代售處：太原商務印書館 晉華書社 晉新書社 滄華印刷廠

山西各界禁烟紀念大會展覽品之部

十八年六月三日任中山公園旁之自省堂



甘 結		其 姓		年 齡		職 業		籍 貫		住 所	
人	杜光之	姓	岡本實	三十	尚	日	不	不	不	不	不
結	尚清明	名	尚清明	二十九	係	丹	科	犯	案	奉	令
甘	岡本實	實	岡本實	三十	係	丹	科	犯	案	奉	令
人	杜光之	實	岡本實	三十	係	丹	科	犯	案	奉	令

為出美甘結奉令月
 岡本實
 尚清明
 杜光之

所具甘結是實
 並不在中國境內販賣毒品

山西太原市公安局局長 公啓

中華民國十八年六月二十七日具

▲上圖為日人販賣丹料被逐出境時留影
 ▲下圖為其被逐時向公安局所具之甘結

打倒鴉片及麻醉劑
侵略的帝國主義
取消領事裁判權



山西省政府 令

令大同等八十五縣指導糾正積谷各弊文 七月十二日民字第九號

爲通令事查倉谷之積原爲救荒平時則推陳易新取息以加蓄遇災則散放濟急分等以賑飢所謂取之平日用之一時古循吏所以便宜發倉以賑貧民親自查放以免侵濫也乃近聞災區各縣開倉放谷多放有產之家而各村長副懼貧民之不能歸還也並分散於稍殷之戶而極貧者未能沾其惠或徇情濫放以民黠者之爭或變價發錢無濟飢者之食其有浸匿減發或緩放漁利以致貧民不能受實惠倉谷反等於虛設甚非所以令積谷救荒之本意也爲此通令災區各縣即速嚴密稽查按冊訪問以防其弊如有以上情事應即迅爲糾正嚴加限制並察其情節酌予懲儆總使縣社谷倉實惠及民谷不虛發能救濟飢民於不死爲要事關民生切勿玩忽視之此令

山西省政府 訓令

訓令各機關遵照中央訓政時期黨務進行計畫案文 七月十二日秘字第九號

爲訓令事案奉

國民政府第五四二號訓令內開爲令遵事案奉中央執行委員會函開逕啟者第三屆中央執行委員第

二次全體會議爲促黨務之進展訓政之實施起見特制定訓政時期黨務進行計劃案除確定下級黨部之工作及推進黨務之方法外對於訓政之權限及各級黨部與同級政府之關係均有明確之規定相應檢同原案函達即希查照並通令所屬一體遵照爲荷等因附訓政時期黨務進行計劃案一件奉此自應遵辦除函復並分行外合行抄發原計畫案令仰該省政府遵照並轉飭所屬一體遵照此令計抄發訓政時期黨務進行計畫案一份等因奉此合亟照抄原件令仰一體遵照爲要此令

附訓政時期黨務進行計畫案一紙

訓政時期黨務進行計畫案

一 權責

根據十七年十月三日中央執行委員會第一七二次常會所頒布之訓政綱領及十八年三月二十二日第三次全國代表大會所議決之確定訓政時期黨政府人民行使政權治權之分際及方略案規定黨與政府對於訓政之權限及各級黨部與同級政府之關係如左

(甲) 黨與政府對於訓政之權限

一 中央黨部指揮並監督下級黨部推行左列各事

(1) 培植地方自治之社服之基礎

(2) 宣傳訓政方針

(3) 開導人民接受四權使用之訓練

(4)指導人民努力完成地方自治所必備之先決條件

(5)促進其他關於地方自治之工作

二中央執行委員會政治會議決定縣自治制之一切原則及訓政之根本政策與方略

三國民政府執行縣自治制之實施計畫及一切關於訓政之根本政策與方略

(乙)各級黨部與同級政府之關係

一凡各級黨部對於同級政府之用人行政司法及其他舉措有認為不合時應報告上級黨部由上級黨部轉咨其上級政府處理

二凡各級政府對於同級黨部之舉措有認不滿意時應報告上級政府轉咨其上級黨部處理

二工作

縣及縣以下各級黨部之工作應以集中工作于縣自治為原則而以下列三種辦法行之

一黨義之宣傳宣傳之方針與方法由中央宣傳部詳細規畫限兩個月內頒發之

二社會之調查調查之方針與方法由中央組織部詳細規畫限兩個月內頒發之

三地方自治之督促縣政府實施地方自治及建設工作時縣黨部處于指導督促地位應于宣傳推行之助力其工作範圍與工作進行方法由中央執行委員會常會于三個月內詳細規畫頒發之

三推進黨部的方法

(甲)中央黨部

- 一關於民衆團體之組織指導及訓練各事項一律併歸訓練部辦理組織部不必另設民衆組織科以一事權而免工作紛歧重複之弊
- 二已經中央決議設置之各機關如法規編審委員會民衆訓練設計委員會及中央圖書館等應即指定專員負責籌備成立積極工作

(乙)地方黨部

- 一各省一切民衆訓練事宜概歸各級黨部訓練部辦理惟特別市黨部得因指導民衆團體事務之繁劇經中央之特許設立民衆訓練委員會以主管之
- 二各級黨部代表或委員候選人之資格年齡均應分別加以限制其在選舉前後並須由上級黨部加以檢定與考查以救選舉制度之窮
- 三各級黨部執行委員工作之分配除常務委員外於必要時上級黨部得分別指定之

(丙)連貫中央與地方黨部之關係

- 一中央委員分區巡迴視察並指導各省市黨務
- 二中央于必要時得召集各省市黨部委員或部長會議並得分別調詢各省市黨部委員及部長
- 三各省市黨部委員得隨時被調至中央服務若干時後再赴各該省工作
- 四各省市黨部得推定在各該地方辦黨務有經驗有成績之同志加入中央各部處實際練習若干時日其詳細辦法另訂之

五中央應刊行傳達中央消息及指導各省市各項黨務工作之專刊

六中央各部應於每月之終根據各下級黨部主管部之報告彙編各地各項黨務工作進行概況比

列批評分發各下級黨部

山西省政府 電

電令 各縣認真查禁
各實察員查報 實空買空囤積居奇以維民食文七月十三日民字第七七一號

各縣縣長覽查禁止賣空買空囤積居奇不啻三令五申乃各縣長竟多漠視不理致有一日飛漲數次一
次飛漲數元糧食如此漲價人民何堪設想非徇情故縱何至有此現象試思放縱一三家買空囤積即不
免餓斃千百家窮苦饑民利害嚴重當能自知該各縣職責所在寧可漠視除另電實察員切實查報外合
再電飭該縣即速認真查禁勿再玩忽致害民生而干咎戾省政府文印
軍電

各縣實察員覽查商富賣空買空囤積居奇實為飛漲糧價之大因若不嚴禁殊於貧民為害甚鉅但各縣
不免有疏忽或徇情漠視之處除嚴電各縣查禁外合電該員即行加意查察隨時具報勿任玩忽徇隱省
政府文印

山西省政府 指令

指令太谷縣因不悉心稽核清冊記過一次並限于文到三日內另造送核文七月十七日考字第七五六號
呈冊均悉查核冊列出人人數類一月分舊管新收兩項合計在局游民僅有七十二名一月分亦只七十

人名何以說明欄內一月分竟列有游民一千九百三十四名二月分列有一千六百七十一名又一二兩月分游民口糧共費洋三百七十八元開除項下均應依實填列實在項下更須將不敷之數列明何以兩册收支款項開除項內均僅列游民口糧費洋六十元且每月在局游民六七十人何以條具科工作者僅三四人查本府對於該局何等重視前因辦理不善令飭整頓之文奚啻再三該縣長不但未予整頓即此區區清册亦不悉心稽核致令往返駁斥已經二次尙屬糊塗不清該縣如此玩忽要政無可諱飾着即記過一次以示薄懲仍將清册發還限文到三日內連同三四兩月分應報清册一併另造送核該縣長務須悉心鈎稽並將局務切實整頓如再仍前玩忽定予嚴懲不貸切切此令

計發還 清册二本

指令榆次縣不准組織爲縣長個人省心省事之村政促進會文七月十七日考字第七七一號

呈及簡章均悉查辦理村政全在縣長一人心力俱到果能開誠布公先勞無倦對各掾屬區長及村長副等隨時檢點竭誠指導自可得其盡力協助村政必當起色若縣長存一說話不辦事之心又不能與人開誠布公雖另立一會不過爲該縣長辦事上省心力何能望員屬士紳等之實心協助於村政實際裨益甚少且查該會主要職務爲撰擬文牘庶務收發速記考核編輯及指導督催各村事務等事何異第二縣府且查全部簡章易生士紳把持村政之弊所請立案之處應毋庸議該縣長辦理村政未能踏實做去當此訓政時期建設萬端縣長爲全縣重心必須整躬率屬爲員屬作榜樣爲人民謀幸福方能担此重任若稍存省心省事之觀念不惟成效難覩亦非現代官吏所宜有該縣長應於此處深加猛省勉力進行是爲至

要此令簡章存

山西省政府 委任

委任狀 民字第二百〇三號

調委郭鳳翱爲忻縣第四區區行政長此狀

調委高耀先爲五台縣第二區區行政長此狀

委任狀 民字第二百〇九號

調委張肯毅爲榆次縣第三區區行政長此狀

調委秦 瑩爲榆次縣第五區區行政長此狀

委任狀 民字第二百一十二號

調委張鍾麟爲石樓縣第二區區行政長此狀

委任羅惠樸試署徐溝縣第二區區行政長此狀

委任狀 民字第二百十三號

委任王 縉試署平 順縣第二區區行政長此狀

委任狀 民字第二百十五號

調委劉述古爲廣靈縣第二區區行政長此狀

委任安懷璧試署渾源縣第五區區行政長此狀

委任狀 民字第二百六十七號

調委衛森玉爲洪洞縣第二區區行政長此狀

委任蓋耀森試署霍縣第四區區行政長此狀

委任狀 民字第二百十八號

委常作哲試署應縣第四區區行政長此狀

委任狀 民字第二百二十一號

調委李邦仰爲徐溝縣第三區區行政長此狀

調委郭鳳岐試署孟縣第四區區行政長此狀

委任狀 民字第二百二十三號

委任郭鳳翔試署榆社縣第三區區行政長此狀

委任狀 民字第二百二十五號

調委土克寬爲絳縣第四區區行政長此狀

調委秦廷輔爲聞喜縣第四區區行政長此狀

人情是法律之母 村政是民治之路



中宣部製定宣傳大綱

蔣主席返京後。中央宣傳部昨發表宣傳大綱。即分電各黨部一體遵照宣傳。茲將其製定本週宣傳要點錄左。

(一)消滅黨內小組織。按小組織之產生。實由黨內腐化惡化分子。或因襲封建社會之餘毒。癩墮之心。崇褊激幼稚之思想。以小團體之利益為前題。而寄生于黨內。其性質則離心力大于向心力。排斥性大于吸收性。故其結果于有意無意積極消極中。使革命勢力離拆消沉。而終屬反革命。所以第三次全國代表大會。一致決議于本黨總章內加入黨員不得有小組織之規定。此次中央組織部長蔣介石同志考察北方黨務之後。對此一再訓誡。有全團體同志深切認識小組織之禍害。而努力消除之。以鞏固黨國而完成革命。

(二)切實編遣國軍。中央為澈底完成革命永遠消除內戰。故于本年一月召集國軍編遣會議。旋因軍事致未一一實行。頃則桂系消滅。馮部覺悟。正宜確實編遣國軍。以奠革命永久之基。此次閻錫山同志既允暫緩出洋。辦理西北編遣事宜。蔣主席更回京總籌一切。凡我同志。應認清此為和平統一計。而努力督促其實行。

(三)厲行國家外交事件。除已在進行之撤銷領事裁判權及辦理哈埠搜查俄領事館外。吾同志當注意者。厥為日兵任意掘毀我國北寧路。如此行爲。輕視我國主權。凡有血氣。莫不髮指。凡我全體同胞。努力爲政府後盾。並培養民族實力。以備雪此奇恥大辱。希即遵照宣傳。並希各黨部轉飭所屬一體遵照宣傳爲要。中央宣傳部。

中宣部通令各黨部嚴密檢舉改組派之行動言論

爲通令事。案查改組派自命爲本黨忠實同志。其實招搖撞騙。投機取巧。完全離開黨的立場。假借革命爲攫取個人地位之工具。在清共時期。甘心作共黨走狗。排斥本黨忠實同志。幾釀赤禍於不可收拾。卒以手段卑鄙。用心險詐。見棄於本黨。乃復倒行逆施。每況愈下。結合準共產黨。失意官僚政客。以及一切投機分子。反革命者。妄肆簧鼓。誣譏中央。誘惑青年。欺騙民衆。因襲共黨理論。分化階級。鼓吹鬥爭。擾亂社會秩序。摧殘民族生機。以買空賣空之手段。冒充革命。亡黨亡國之言論。爭取政權。如此罪大惡極。自應嚴加取締。以遏亂萌。合亟令仰該部轉飭所屬一體嚴密檢舉該反動派之言論。隨時呈報。以憑核辦。並切實宣傳其亡黨亡國之派別的罪惡。是爲至要。切切此令。

二中全会紀略

(一續)

二 首次會議

十一日午十七至十二時。第三屆中執委第二次全會第一次會議。出席者譚延闓、蔣中正、朱培德、陳肇英、陳果夫、葉楚傖、胡漢民、楊樹莊、劉蘆隱、劉紀文、王柏齡、劉峙、方振武、陳立夫、戴傳賢、吳鐵城、朱家驊、李文範、周

啟剛、邵元冲、張羣、趙戴文、王伯羣、孫科、方覺慧二十五委員。列席者劉文島、魯滌平、林雲陔、古應芬、林森、桂崇基、余井塘、張道藩、陳耀垣、張人傑、吳敬恒、孔祥熙、丁超五、繆斌、克興額、上正廷、趙丕廉、邵力子、程天放、陳布雷十七委員。主席蔣中正。秘書長葉楚傖。討論事項如下。

一決議。馮玉祥業經革除中央委員。應由王委員伯羣遞補。

二決議。推楊樹莊、朱培德、王伯齡、劉峙、魯滌平、方振武、陳肇英、趙丕廉為軍事組審查委員。由朱委員培德召集。

三決議。推吳敬恒、陳果夫、劉蘆隱、張道藩、余井塘、周啟剛、桂崇基、克興額、邵力子為黨務組審查委員。由陳委員果夫召集。

四決議。推趙戴文、李文範、程天放、方覺慧、繆斌、古應芬、林森、朱家驊、邵元冲、王正廷、丁超五、陳布雷為政治組審查委員。由趙委員戴文召集。

五決議。推張人傑、王伯羣、孔祥熙、吳鐵城、劉紀文、陳立夫、陳耀垣、張羣、恩克巴圖、劉文島、林雲陔為建設組審查委員。由孔委員祥熙召集。

六決議。從明日起開審查會三日。星期六繼續開正式會議。

七決議。常務委員所提各案。分交四組委員審查。

開始分組審查中常會提案

政治組 十一日午後。政治組審查會全體番委均到。趙戴文主席。審查常委提案大綱中之廢除不平等

條約收回租界與治外法權問題。禁烟問題。財務行政問題。及扶助滿蒙回藏政治經濟及教育之發展問題等四項。其詳細辦法。尙須從長討論。再行規定。十二晨八時仍繼續開會。午後與黨務組合開會議。

建設組 建設組審查會。十一日午後開會。除張靜江外。餘均到。孔祥熙主席。討論常委提案。大致已審查完竣。並將文字修正。即將擬具報告提出大會。其修正案如次。

(一)即原案乙項第四案獎勵農產。發展林業。興辦水利。提倡農村合作。改良農民生活。以確立農業政策。爲發展工商業之基礎。其一切計劃規程。於民國十八年底制定。

(二)即原第六案。以發展鐵道事業。爲建設之中心。其所需經費。就庚款中撥用。並提前完成粵漢隴海新甯三線。由鐵部負責辦理。務於民國二十年底竣工。

(三)即原第七案。改善工人生活。規定工作時間。增進工作效能。改良工作制度。而以全國工人生活與工業生產之統計編製爲入手辦法。此項統計。由工商部負責。限於民國十八年底。完成實施。

(四)即原第九案。積極進行導淮治河工程。導淮工程。應於民國二十三年底完竣。

(五)原即第十六案。已辦之鑛產。准由依法取得採鑛權者。依照鑛法。繼續開採。由政府監督。並分別更定其稅率及領採期限。

黨務組 黨務組十一日午後。開審查會。委員十二人全到。陳果夫主席。討論結果如下。

(一)關於縣以下各級黨部者。(甲)指定下級黨部工作。爲宣傳黨義。調查社會。督促自治。(乙)嚴守第二屆第五全會議決各級黨部與同級政府關係臨時辦法案之規定。

- (二) 關於省黨部及同級黨部者。(甲)中委分區巡迴指導。(乙)由中央分期調詢該黨部委員及部長。
- (三) 關於中央者。(甲)充實中央各部處會之組織。(乙)劃清中央各部處會之職權。
- (四) 關於一般黨員及黨務工作人員者。(甲)實行考試制。(乙)詳定考核辦法。並嚴厲執行之。(丙)規定介紹人連坐辦法。

各組審查會開會處 黨務組審查室在第二會議廳。政治組審查室在第一會議廳東廂。軍事組審查室在第一會議廳西廂。建設組審查室在第一會議廳委員第二辦公室。

(未完)

▲ 刊 月 治 村 ▲
錄 目 期 五 第

中國教育革新問題
中國土地制度之變遷
中國食糧問題的危機及其主因
自治區域與自治單位
智育(續)(元)
東方文化起源(續)
管子村治考(續)
中國民食問題
中國文化之人生觀(續)
基本工作之基本
國家的繁榮與自然界
奉委考察五原臨河山東移墾情形之報
中國勞動問題(續)(元)
由現代民主政治之一般的矛盾說到人民自治

國民政府縣組織法
閩總司令出洋前之四大要案
西北邊疆考察團之宣言

- ▲ 每期零售 洋宣國內一角五分 國外二角三分
- ▲ 定閱半年 報紙國內八角五分 國外一元二角
- ▲ 定閱全年 報紙國內一元五角 國外二元二角
- ▲ 社址 北平和平門外大安瀾營十二號
- ▲ 太原代售處 范華製版印刷廠 晉新書社



村政大事記

十二年

五月二日。令谷縣烟販烟民取保後。仍查有販吸情事。保人認罰之款。悉數撥歸村社。令曰。凡販吸烟丹。嫌疑入取保後。如仍查有販吸情事。除本犯應由縣分別懲罰勒戒外。保人亦應處罰。但保人認罰之款。務悉數撥歸村社。縣區不得扣留。以免減却人民對官廳之信仰。

五月三日。令各縣知事轉飭所屬區長。代追村費。不得扣留。令曰。聞各縣村莊。有違反村禁約者。村社按約罰辦。遇推諉不肯交款者。報區請求追交。竟有少數區長。由追交款內。扣留一成或四成辦公費。殊屬不合。仰該縣轉飭所屬區長。代追村費。除烟賭案件有明令准其提質者外。不得扣留分文。須知扣留村費。是使區長失村人之信仰也。

五月五日。令各縣辦理禁烟。宜本父母愛子之心。為民戒烟。不可因一人省事。煩擾多人。令曰。戒烟為惠民之政。非擾民之事。乃聞各縣有將已戒烟民。恐其復吸。不分已未戒清。一律勒送戒烟會。另行戒烟。此種辦法。無非知事自圖省力。殊失與人為善之主旨。且如此辦理。必至障礙橫生。終至窮無辦法而後已。須知辦理戒烟。非使人認知事以視民如傷之誠。行改進人群之實。烟民終難知悔。即不能到舉重若輕。令下如流之地步。烟害永無肅清之日。若再不加矜恤。煩之擾之。更予人民以急於邀功之口實。

辦理不善之反感。則知事自身已處于徧地荆棘。動輒得咎之境矣。爲此令仰該知事。本父母愛子之心。籌爲民戒烟之方。已戒復吸。本應再戒。而詳觀色相。明查暗訪。調查之方法。務以用衆。誠心求之。隱蔽自少。豈可一人省事。煩擾多人。致以數日整理之勞。仍結不善之果。望吾同僚。引爲戒鑑。

五月八日。電令各縣知事辦理禁烟。勿令村閭鄰長具結。免自陷困窮之境。電曰。近聞各縣辦理禁烟。對於販吸嫌疑。有令村閭鄰長出具切結。如再發現。即受若干罰金等情。是乃自塞用衆之路也。村閭鄰長負有調查舉發之責。令其具有受罰切結。誰肯再爲報告。前者烟販烟民自行覓保。往往等於具文。非法不善。皆官廳不肯認真所致。果於具結時。詳審保人。是否可靠。並以應負責任。再三叮囑。何至不能收效。若以官廳之力。令村閭鄰長具結。不但與人以急于邀勸口實。且爲後日留徇隱之弊。是欲求肅清之效。反自陷於困窮之境也。孰得孰失。仰即詳審爲之。

五月十八日。令各縣查禁售賣罌粟壳。令曰。據報告近來已戒烟民。有用罌粟壳煮食抵癮情事。查罌粟壳雖屬藥用物品。必須配製藥方。准其酌用。如係單獨售賣。顯屬利用時機。供人頂癮。仰該知事迅飭所屬嚴行查禁。如再發覺單獨售賣罌粟壳者。從重罰辦。以清毒害。

五月二十日。函各縣知事論戒烟善後辦法。函曰。予近來爲整理村範禁烟善後之事。頗爲各縣愁之。每欲思一善法。爲各縣辦理善後之助。一日會某紳士詢問該縣整理村範。能否了的下去。曰。能。能否善其後。曰。能以言之。某紳曰。舉兩事說之。公亦必認爲能了的下去。並能以善其後也。一日知事下鄉至甲村。見有人民向知事說。吾兒之烟戒而復吸矣。請縣長爲之再戒。但不可任其住村戒烟會。如拘押

城中使之知懼或可戒而不再吸。縣長從之。到乙村亦有人向縣長說。吾見此次復戒之後。請縣長勿令早出。使其在會多住幾日。感受困難。則可不至再吸。縣長亦從之。吾縣長從其父兄。禁其子弟。何難了的下去。何難善其後也。云云。余應曰。官民若此親信者。必能了的下去。必能善其後也。惟官民此等親善狀況。必由於知事推其愛子弟之心。愛人民做來。愛子弟之心。人人皆有。愛子弟之事。人人皆會。願各知事推此心以行政。非特事不難辦。亦不苦其勞矣。尙有一字。亦可以作各縣肅清善後之補助。即堯舜帥天下以仁。而民從之。桀紂帥天下以暴。而民從之之帥字。蓋政治之於人民有帥之功能。惟視行政者之是否真也。真仁必能帥天下以仁。亦真暴始能帥天下以暴。帥以暴且不能假。况帥以仁乎。故其所令。反其所好。而民不從。今爲各縣換其言曰。知事帥人民吸烟丹。而民從之。帥人民禁烟丹。而民亦從之。人民之從不從。惟視知事之心真與否耳。真則必從也。帥之之法當何如。亦有一段話可爲各縣之參證。有新委區長者。予問曰。汝作區長如何肅清烟丹。肅清以後又如何以善其後。答曰。區長聯合起村長副。村長副聯合起閭鄰長。協力進行。即可以肅清。可以善其後也。予曰。此言不錯。但村長副實無聯合起閭鄰長之方。而且無聯合起閭鄰長之心也。尙須區長幫助村長副。督促村長副。村長副始能聯合起閭鄰長也。然余則係對區長之言。不得不云爾也。實際區長聯合起村長副。督促村長副。村長副之力量亦微薄。完全之行政權。知事有之。整理一縣之責。知事任之。知事之心不到。他人之心不肯到。知事之心到。他人之心不敢不到。聖人言政先勞無倦四字。非特心到。且須身到也。今爲諸君可換其言曰。欲肅清一縣之烟丹。而日善其後。必須知事能使掾屬區長。幫助知事聯合起村長副。再

能督促據屬區長幫助村長副。聯合起閭鄰長。協力進行。永久不息。方可肅清。方可善其後也。吾爲諸君慮者尙有數事。亦並說之。知事爲親民之官。行政本愛人之事。此次禁烟。尤是救民于水火者也。及烟丹民之病也。非民之惡也。病當救之。以親民之官。行愛人救人之事。乃以恨之惡之逆之凌之之法行之。非特於事無濟。必令民怨沸騰。荆棘滿地。而且失爲政之道矣。此爲諸君可慮者一。近來呈報善後辦法。有令村長副出肅清甘結。村中再有吸者。村長副不先報告。必須認罰爲條規者。此等辦法。予認爲是知事省事之辦法。亦是日粉飾的辦法。知事省事。何人尙肯費事。知事粉飾。何人不樂粉飾。以此至重至難之事。乃全村長副出一肅清甘結。是使村長副諱言村中之烟民也。以此至重至難之事。責任全推至村中。是強其所不能任也。如此辦法。必發生三病。(一)村長副瞞哄。(二)實行罰懲村長副時。必生反動。(三)強詞以後。人民必憚作村長副。尙有以人民五家互保爲條規者。亦恐生瞞哄反動之病。此爲諸君可慮者二。凡事不平則顛。適中則行。使烟民討任罰錢之保。非不可行。但須出自保人之願意。且罰款除賞給發覺人若干外。餘須歸村中也。予尙有一言爲諸君告者。諸君以罰人民打人民。使人民畏懼而不敢吸。如此辦理。必了不下去。且中途必出障礙。必至進退失據。即使能了去。亦等於了不下去。知事之精神稍鬆。仍然復吸矣。所謂水上按葫蘆。費力不成功。因其非帥其父兄。禁其子弟。帥其子弟。勸其父兄之法也。願切記之。卽有屢戒不悛。惡頑不化者。非用嚴法不可。亦當行之以正軌。如責成區村長交閭鄰長看管也。或令其討切實負責之保結也。無人具保。卽可長時間留之於戒烟會訓戒之。有改悔之決心。則放回之。若無改悔之決心。卽可送入烟民工廠也。無烟民工廠。

即送之官工或民工之處。如修河修堤煤窯磨坊等類。均足以養其生而戒其癮。若此尙有所不使。則羈押之縣區署冀其知儆免其討保可也。記入烟民簿。不時調戒亦可也。甚則依法判其罪。而置之監獄之內。亦未爲不可也。萬不當出以非法非情而凌之辱之。以致救人反害人。怨謗交集也。若販賣烟丹者。因是惡也。嚴辦之。重辦之。宜也。但亦須將冀其改悔之心。費盡以後。始能得人民之同情也。否則亦徒落一嚴酷而已。於事無濟也。再予所謂了下去也。肅清也。是使能退者當退者退之。年老者自由退。有病者緩退之謂也。非必強老者病者之不能退。不可退者。亦併退之。致人民怨官廳之不近人情也。但老者病者。應宣布明白。使人週知。一以免人藉端搜檢。一以免人疑爲遺漏。區村長並記於戶口冊上。予不憚諄諄言之者。冀諸君實行。諸君接此信後。應召集區長掾屬並委員。逐條討論。務使一併明白。用心奉行。若再有不辦。或亂辦敷衍。或急功致礙村政者。非予之錯矣。

五月二十二日。令各縣司法案件。不得因難辦批交息訟會辦理。令曰。近聞各縣對於人民訴訟之難辦者。知事往往因其難辦。而批交息訟會了處。大屬不合。此等辦法。嗣後嚴禁爲要。

五月二十七日。令各縣村莊按村禁約處罰事項。須由村長副閭鄰長開會公議。令曰。近聞各縣村莊。按禁約處罰事項。多出村長副自行決定。往往不合。村民公議。若不明定辦法。深恐滋生專橫流弊。合仰通令嗣後各村遇有處罰事項。每村有閭長六七人以上者。須由村長副閭長合議處理。其願加入鄰長更好。其閭長不足七人者。必須加入鄰長。共同商酌。如村中尙有習慣辦法。合乎村民公議者。准仍舊施行。定章原期無弊。無弊之事。即至善之章程。仰各該縣知事轉諭各區村村長副閭鄰長。一體遵照。

此事必須辦至無弊方算也。

五月二十八日。兼省長接見省議員。囑旋里後。以愛人責望知事。以愛人幫助知事。兼省長云。村政較六政爲難。辦理六政時。知事中之能者。成效便覺可觀。此次辦理村政。知事中之能者。反覺見絀。惟樸質誠實。含有幾分愛人性之人。辦理六政。雖未見長。而於村政。反易收效。此次整理村範。本非單恃官廳所能爲力。必須用衆幫助方可。有愛人性之官。人民易於敬之。易於信之。故樂於助之。無此愛人性之官吏。村政實難收效。環境與官吏。常相待而進。環境提進一步。則官吏亦必隨之而提進。余嘗謂責任固不可嚴。期望人却不可不高。議員居紳士地位。回里以後。以愛人責望知事。更以愛人幫助知事。漸漸造成社會上。不愛人不是好官之環境。則官吏皆成愛人之官吏矣。

本處總理紀念週紀錄

時間 七月十五日上午十一時

地址 總部自省堂

出席者 本處全體同志

主席 陳敬棠

(一) 行禮切儀

(二) 主席報告

1. 總司令此次到北平與蔣主席張司令長官會商實行編遣事宜。決于八月初旬召集各編遣區主

任在京開會討論辦法但此事在山西辦理甚易因編遣區早經成立一切均已實行籌備

2、中東路現已收回在中俄奉俄兩協定成立後俄人方面理宜遵照誠意履行但查其過去行爲適得其反路局重要俄員均有宣傳赤化嫌疑我國爲防患未然計始予以斷然處置故王外長謂此次我國舉動甚爲適當云

(三)講演 由趙恒同志講演「三民主義就是平等主義」大要如左

兄弟對於黨義的書籍看的很少。不能拿有心得的話來請諸位同志指正。甚爲抱愧。今天就「三民主義就是平等主義」的意思略說幾句。三民主義數萬言。一貫的精神。不外平等二字。所以三民主義也可說是平等主義。要是把民族民權民生三主義分析開說。民族主義就是民族平等主義。民權主義就是民權平等主義。也可說是政治平等主義。民生主義就是民生平等主義。也可說是經濟平等主義。總理說民族主義的意思。就是「民有」。民有就是一個國家爲人民所共有。不爲其他異族所占據或其中獨一民族所宰割。如果一個國家爲人民所共有不受其他異族或其中獨一民族所占據或壓迫。這就是民族平等。民權主義的意思就是「民治」。民治就是一個國家爲人民所共治。不爲少數人所把持。如果一個國家爲人民所共治。無支配階級被支配階級之區分。這就是民權平等。也就是政治平等。民生主義的意思就是「民享」。民享就是一國之利益爲人民所共享。如果一國利益不爲少數人所獨占。這個國家之人民。就無貧富懸殊的現象。這就是民生平等。也就是經濟平等。所以總括民族民權民生三個主義的精神說。就是平等主義。

產育常識



孕期內之衛生法

安壽增

身體強壯無病的婦人。月經要是不來。即爲受孕的徵兆。受孕後第一個月。乳腺變形而脹痛。第二月惡心嘔吐。常思困睡。第三月膀胱受壓。小便次數加多。第四月消化之功效紊亂。故胃口異常喜食酸類。有時起腦神經病。易於發怒。或全體困倦欲睡。神經系痛。靈心紊亂。心功不調。肚腹漸大。能聽見胎心聲。胎在腹內撞動。如按行經循環之期計算。至十個月經期。即爲產期。或由未受孕之末次行經之日共計二百八十天。亦爲產期。有時婦人有病經閉。或嬰兒食乳時無月經。此時受孕不能確知其末次行經之期。即不能以月經計算產期。故須診察胎頂高低。以定產期的遲早。既已確定爲受孕。自受孕至臨盆。此孕期內便須注意衛生。婦人受孕。雖爲體功的自然狀態。然最易生或輕或重之病勢。故在孕期之內。應遵守以下之衛生簡規。(一)運動宜有節制。不可祇睡不動。亦不可操作過勞。勿強用猛力抬舉重物。或目高處跳下。或乘車行崎嶇之路。宜徐行寬曠之地。呼吸清潔之空氣。(二)飲食宜用清淡易消化及滋養的食物。且當守時間與次序。不可食之過度。每天食肉一次。佐膳果品不可缺乏。生熟皆可。這是要使大便通利的緣故。如大便秘結不通。須擇選潤腸下劑。不可用重瀉藥。因重瀉則恐傷胎氣。(三)衣服宜用鬆大合體。不可穿過緊或過窄者。以免胸腹受壓過度。致使孕婦氣促。胎兒有不能發育之病。若孕婦腹壁下墮。當用托腹帶向上兜護。

之。(四)沐浴。每星期至少沐浴二次。以使孕婦皮膚增加工作。免受寒冷之疾病。沐浴宜在暖水盆內。漸加冷水。勿使水過冷與過熱。(五)乳頭。尤須經心留意。不可被壓。如有乳痲。可用暖水洗淨。倘不乾淨。乳頭皮必損裂。到小兒哺食時。必至痛疼。或成乳瘡。若為初孕。乳頭收縮者。可時常用手引出。或上硼酸膏使柔軟之。(六)陰道。如有液質流出。須用溫硼酸水洗之。免去發癢。房事應有節制。倘曾小產。更宜慎重。在行經之期。務須靜息。(七)胃消化。倘有嘔吐。在未起床前。飲熱茶一杯。略食點心。其吐可止。大便宜準而不結。每早食樹皮丸一粒。(八)小便。須注意檢查。倘若不清代胎。必須服利尿劑。便可免去神經抽縮夜不安眠。每天宜服無路透品片二粒。(九)用藥。孕婦可免服藥更妙。最不可用貫林加路米安替派林與重瀉劑。(十)遍察孕婦在孕期之第八月。必須遍察全體狀況。如骨盆之量度。胎之方位。乳頭之形狀。陰道之淋液等。宜早防備療治為妙。

本刊啓事

本刊向係由閱者直接訂購。未設代售處。所惟因社址設於省政府村政處。購置頗感不便。茲承閱者函商。特託太原鐘樓街范華製版印刷廠為本刊總代售處。愛閱諸君請逕向該廠購閱可也。此啟。



各縣村禁約進行概況

十五年七月至十六年六月確實察員報告

平定 查該縣縣長暨掾屬對於各村村禁約之規定及執行多不注意惟各區區長尙能不時分赴各鄉幫同指導開村民會議共議禁約故不適合村情之條規實屬絕無而僅有各村間有執行禁約時處罰過當亦多由區長分別切實糾正其餘各村處罰未有超過十五元者以故村民對之頗多悅服全縣成績以第一區較佳其餘各區無甚好壞統計該縣共有一百九十四編村一年以內各村執行違禁案數計烟案十有六起賭案八十起盜案十有五起其他案三百五十起不服執行數二十一一起經官員糾正數二十四起處罰交納村費洋共三千七百九十六元七角錢共四十四吊按村習慣處罰者五十二次

太原 該縣辦理村禁約經委詳查各村村禁約所定應行禁止事項尙無不適村情其執行禁約亦多能依章辦理故紳民無何項評論該縣各段人員於禁約執行簡章第三第四兩條之意義輒不時下鄉向村閭長宣傳告誡囑令遵章實行總查全縣成績以第六第八兩段爲較優以第一段爲較劣統計該縣共有六十編村一年以內各村執行違禁案數計烟案二十一一起賭案二十一一起盜案二十五起其他案二百一十二起不服執行數共五起經官員糾正數共九起罰交納村費者洋共一千一百三十二元零五分三厘銅元共一百二十吊零五百又處罰按村習慣者三十一次

垣曲 查該縣海縣長對於禁約一項以正二月間開村民會議常會時于村中應禁事實及禁約應加應刪之處率多有所磋商除直接責成區長親身或派助理員與會幫助外復派各掾屬隨時下鄉考查其村禁約果否加刪並是否適當就近予以指導糾正如認為關係重大或非掾屬所能糾正者即呈報縣政府核辦若平時則由縣區人員隨時下鄉稽查其處辦之事件是否合章分別加以幫助或糾正並招集人民爲之講演村禁約之意義與範圍務使村中民衆澈底了解以培養其訂約之能力與遵守之心性故該縣不按章處罰之村莊實居少數成績甚屬優良惟比較言之以第一區爲最優二三兩區似稍遜焉統計該縣共有七十編村一年以內各村執行違禁案數共有一百一十起不服執行數九起經官員糾正數六起按村習慣處罰二十六次

靈石 查該縣政治人員對於各村禁約之規定尙能幫助各村開村民會議按照村情協議訂定故不適村情之條規實屬罕觀各政治人員並能隨時注意各村禁約之執行間有處辦失當者立即切實指導糾正以是一般鄉民均心悅誠服總查全縣成績以第一區爲最好其餘各區次之統計該縣共有五十九聯村一年以內各村執行違禁案數計烟案十有二起賭案十有四起盜案五起其他案七十七起

芮城 查該縣共有四十五編村一年以內各村執行違禁案數計烟案十有五起賭案二十九起盜案五十五起其他案一百四十起不服執行數六起經官員糾正數三起處罰交納村費共洋一千零九十七元九角六分按村習慣處罰五十一一次至該縣各村禁約之規定雖屢有改易惟對於十四年總字第二十六號行知村禁約之規定及執行簡章多漠然置之該縣政治人員不能隨時下鄉注意幫助與糾正

總查全縣成績以第二區爲最優以第一區爲最劣

和順 查該縣各村村禁約之規定均由村民會議共同議訂稟請縣政府核准後遵照執行尙無不適村情之處其執行時雖不無有失當者然該縣縣區政治工作人員雖能隨時下鄉嚴密查察指導糾正全縣成績辦理最適當者以第一區爲優辦之最認真者以第二區爲優至第三區則地廣人稀村莊零落人民智識幼稚辦理亦涉疏懈較之一二兩區均堪塵矣及無挾私陷害專斷不公各情弊統計該縣共有人十八編村一年以內各村執行違禁數計烟案十有四起賭案二十二起盜案十有七起其他案一百十起不服執行數一起經官員糾正數八起處罰交納村費洋共一千零五十四元三角三分四厘按村習慣處罰者五次

孝義 查該縣第三第四兩區出產核桃、民驟富賭風較熾一般富家多以其子弟染指爲懼遇有此案各該區村執行禁約時雖不免處罰過重然奸人多稱贊不置惟該縣區政治工作人員對於各村村禁約之規定及執行似涉疏忽未見有用何等之法幫助糾正純由人民自動辦理故全縣成績除第二區第四區成績較好外其餘各區均似有遜色統計該縣共有二百零六村一年以內各村執行違禁案數共有五百餘起不服執行者三起經官員糾正者一起而已至處罰種類以交納村費處罰者洋共一千七百四十二元六角錢共四十八百五十四千八百五十八文按村習慣處罰者二十次

遼縣 自該縣遭災後因急於辦理善後以致各項村政均形停頓而對於各村村禁約之規定及執行尤屬莫不置意故村民對於村禁約及息訟會尙有分別不清者據屬各員雖不乏明白之人然因縣長之

不注意悉放棄不理甚至應有糾正之事該縣政治人員既疎查察復欠糾正全縣成績比較言之以第三區十段爲最好第二區八段及第一區一段次之統計該縣共有七十三編村一年以內各村違禁案數計烟案四十八起賭案二十三起盜案十有八起其他案百零五起不服執行數三起經官員糾正數二起以交納村費處罰者洋共八百四十七元一角八分五厘錢共二百四十九千五百文按村習慣處罰者一十六次

吉縣 查該縣政治人員對於各村村禁約之規定尙能幫同村民辦理遇有與村情不合或欠缺者尙協同增刪之並能不時下鄉爲村民將村禁約與息訟會不同之點詳細分別解釋免致混淆惟該縣人民性素樸實古風猶存率能安分守命勤苦度日間有違反禁約情事而執行禁約者多不願處罰大洋多設法勸導祇按習慣處罰使其改悔而已總查全縣成績最好者爲第二區第一區次之統計該縣共有四十六編村一年以內各村執行違禁案數計烟案三起賭案十有二起盜案四起其他各案六十八起不服執行數五起以交納村費處罰者洋共二百零四元九角按村習慣處罰者四十四次

鄉寧 查該縣各村禁約有不適村情或村中發生應行禁止之事者由該縣政治人員幫同村民按村情共議分別增刪設遇有村閭鄰長處理違犯禁約事項有手續欠合或情理失當者該政治人員亦當即爲之解釋事理次第糾正總查全縣辦理村禁約成績最好者爲第八段最劣者爲第二段統計該縣共有八十四編村一年以內各村執行違禁件數計烟案九起賭案二十二起盜案四起其他案九十三起不服執行數一起經官員糾正數一起處罰交納村費者洋共七百七十八元八角五分錢共八千四

百九十文按村習慣處罰數二十四次

汾城 查該縣各村辦理村禁約經委抽查各該村規定禁約時率由官員幫助村民開村民會議按照村情共同議定既無不適合村情之處復能遵照十四年總字第二十六號行知村禁約之規定及執行簡章第三四兩條辦理故一般紳民對之毫無異議惟村禁約之規定雖屬完全而能依據執行者實寥寥亦可見執行者之敷衍矣全縣成績以第三區爲優第一區爲劣統計該縣共有一百六十九編村一年以內各村執行違禁數共二百四十七起以交納村費處罰者洋共一千二百二十三元六角錢共五十三千五百文

平陸 查該縣各村村禁約均係由村民會議共同訂定尙無不適村情應行糾正之處而執行禁約時該縣各政治人員亦能切實指導糾正間有違犯禁約者當即交由村長副按禁約處罰以示提倡而資整頓總查該縣辦理禁約成績均屬可嘉惟比較言之二四兩區較好一三兩區次之統計該縣共有九十七編村一年以內各村執行違禁案數計烟案七十三起賭案六十二起盜案六十六起其他案百六十六起不服執行數二十起經官員糾正數四起處罰交納村費洋共二千四百二十一元一角五分按村習慣處罰共三十四次

長治 查該縣村禁約執行違禁事件共計五百三十七起不服執行者十四起官員糾正者十五起罰納村費洋一千三百五十六元四角九分錢四百七十二千三百九十七文按習慣處罰一百二十一次各村大半尙能按村禁約實行惟辦理未能十分認真是以違禁事項不時發現究其原因一由於村長副

瞻徇情面一由於官員幫助不力故未經改訂禁約之村尙有多處加以近年來地方常駐軍隊官吏精神全注差務對於村政愈形鬆懈但遇執行不服或錯誤者尙能爲之糾正全縣成績以第一第二兩區較好第三第四兩區稍差

平順 查該縣村禁約執行違禁案件關於烟賭等項者歸村閭長專辦關於偷竊田禾及牛羊踐食麥苗多歸社首處辦村閭長雖列席不過備員而已於村禁約之規定及執行簡章第四條雖無違背於第三條處罰限度常形超越按各村處罰偷竊田禾瓜果等項均係社規習慣故罰款即由社內動用烟賭案罰款係專款存儲非呈准不能使用全縣成績以第七八兩段爲好二四兩段較劣

萬泉 該縣各村禁約均係由區長幫助村中開村民會議參酌村情共同訂定尙無若何不適村情應行糾正之處至執行時尙能遵照十四年總字第二十六號行知村禁約之規定及執行簡章三四兩條辦理惟各村村民間有不服禁約執行者村長則送縣懲治而該縣縣長多不能代村執行即有時追繳罰款亦不撥歸村有縣政府轍自留用遂致村長感受無法辦理之困難總查全縣成績以第二區較好第四區次之第二區又次之第一區最次統計該縣共有一百二十二編村一年以內各村執行違禁案數共二百二十九起不服執行數六起經官員糾正數二起處罰交納村費洋共二千七百一十一元五角錢共一千四百文按村習慣屢罰十有二次

曲沃 查該縣各村禁約之規定尙能不違村情蓋以大半經村民同意後復呈由區長核准故也惟對於執行似嫌疏懈並不認真登記各村禁約除實行禁止偷竊田禾首蓆棉花菸葉刊伐樹木數項外賭案

雖間有查辦而烟案一層直成不告不理之情形至於幼女纏足兒童失學等禁約實同虛設顧執行不合時該縣政治人員如能加導糾正一般紳民尙稱悅服就全縣成績而論以五區較好三區次之二區又次之以一區爲最劣四區爲次劣統計該縣共有二百零二村一年以內各村執行違禁案數共二百六十九起不服執行數一起經官員糾正數四起處罰交納村費洋共一千一百零一元按村習慣處罰五十一次

◀ 三 民 半 月 刊 ▶
第 二 卷 第 十 期 目 錄

總理遺像及遺囑
銘語
喚起民衆之理論與方法
中日經濟關係之分析
中國禍亂之因的一種觀察
德國近來的經濟概況
世界第二次大戰的危機和我們的責任
智識階級組織的發展
帝國主義壓迫下之中國的出路
危害國際之鮑爾雪維克主義
東三省已成之鐵路
列強最近海軍勢力比較表

山西村政概要(特載)
列強最近潛水艇比較表
時事提要

零售洋宣國內一角五分
報紙國外二角五分
一角五分

社址 北平錢糧胡同三民學社

分售處 太原晉華書社
晉新書社



內政部十八年度第一季行政計畫

內政部十八年度第一季行政計畫。現已脫稿。並呈報行政院。內分三部。一關於釐定及施行法規事項。二關於應積極舉辦事項。三關於應繼續辦理事項。條分縷析。計百數十條。茲將其要點分誌於次。

厘定法規 (甲)屬於民政者。一訓政研究院條例。二地方訓政人員養成所條例。三內政部核發旅外華僑國籍證書規則。四市自治條例。五縣組織法各省施行時期及縣政府區鄉鎮閭鄰成立期限一覽表。六監督慈善團體法施行規則。七縣長任用暫行條例。八縣政府佐治員任用暫行條例。九修正組織法草案。十市長任用條例草案。十一改定區村里閭鄰自治條例及選舉通則草案。(乙)屬於警政者。一省會公安局組織條例。二警務處長任用條例。三麻醉藥品管理條例。四公安局長查緝盜匪考績條例。(丙)屬於土地者。一清丈暫行辦法。二處理水利糾紛辦法。三協商人民興辦水利辦法。四移民墾殖原則。(丁)屬於禮俗者。一各地方風俗調查表。二淫詞邪說廢除標準。三各省市宗教及其財產調查表。四婚喪慶弔禮制。五寺廟管理條例。

舉辦事項 (甲)屬於民政者。一劃一地方行政制度。二整理國籍變更登記。三徵集各國國籍法規。四調查旅外華僑現況及註冊情形。五發給旅外華僑國籍證書。六制定漢口特別市區域。七改正哈爾濱行政

制度。八調查各地方救濟事業。(乙)屬於警政者。一編練各地保衛團。二化除各地方不正當團會。三改組首都公安局。四籌設各省警務處。五核定各市縣公安局之組織。六劃設公安局。七擴充首都公安局警備隊及設備。(丙)屬於土地者。一調查各省市業佃間各種慣例及佃戶繳租之數量。二調查全國荒地地面積及成荒之原因。三籌設養成土地行政人員之機關。四呈請令飭各省籌定的款。以爲補助人民興辦水利並擬定補助辦法。五編制灌溉方法淺說。六咨行各省市轉飭所屬水利專管機關。一律報部備案。並按期報告工作情形。七編定移民墾殖計劃。八呈請籌設移墾金融機關。(丁)關於禮俗者。一頒發十九年國歷。並督促施行。二調查各地教會情形。並督促改進。三整理曲阜林廟學田。繼續辦理。(甲)關於民政者。嚴令各省市政廳長各縣縣長。切實巡視地方。二續催各省填送行政區劃調查表。三續催新設省分或各省市區域變更者。繪送省圖。四咨催吉林省政府調查沿邊實況。五督促各省市完竣戶口總調查。六督促各省市辦理人事登記。七督促各省市籌辦開化番民政土歸氓事宜。八督促各省按期實施縣組織法。實行區長訓練。並依限制定各自治區。九整理各地方積穀。十繼續籌辦賑務。(乙)屬於警政者。一督促各縣編練警察隊。二籌備警察教育。三審核各級警察學校訓練課本。四確定警察經費。五擴充各級公安局消防組織。六督促造報各級公安機關表。七嚴厲禁烟。(丙)關於土地者。一編印關於平均產權宣傳品。二咨行各省彙送地圖及關於土地之刊物。三督促各省市填送水道溝渠調查表。四編制水道溝渠現狀表冊。(丁)屬於禮俗者。一推行制服條例。提倡採用國貨。並取締奇裝異服。二督促各省市按照禁蓄髮辮。禁止婦女纏足條例。切實查禁。並造報辦理情形。三督促各省市依限填

送寺廟。登記簿。四督促各省市各名勝古跡古物調查完竣送部。審核保護。五調查歷代陵墓所在。及特殊壇廟內容。並核定保護辦法。六辦理奉命諸烈旌卹事項。七督促清理北平各壇廟所屬官地。及人民承辦官地執照事項。八處理寺廟糾紛事項。

修改禁烟考成條例

內政部與禁烟會會呈國府

全國禁烟委員會。前准閩省府咨開。查公務員禁烟考成條例第八條第二項之規定。凡到任不滿四個月者。不在考成之例。竊以爲禁烟首重禁種。縣政府爲執行禁烟機關。對於禁種一項。果採嚴厲剷除手段。烟苗之爲物。既不能移動。又不得收藏。非如運售之漫無考查所得比擬。况烟苗自播種至收成。爲期不過四五個月。而現時縣長調換無常。萬於其時適有更動。則雖烟苗遍地。此輩禁烟不力之縣長。皆可根據本條藉口到任未滿四個月。倖獲免議。毫無以昭公允而資策勵。似宜請將是條增加禁種不在此限之字句。以免流弊等因。該會察核所請。殊屬洞見癥結。深具理由。但查禁種一項。固關重要。而運售吸三項。亦應同時嚴禁。倘於禁烟考成條例第八條第二項條文之內。僅增加禁種不在此限之字句。而對於運售吸三項廢弛之公務員。仍得因其任期未滿四個月之故。免予置議。似不足以服平允。茲爲督促禁烟成績起見。擬將該項條例第八條第二項一段。完全刪去。庶各員有禁烟之責者。關於種運售吸。均能奉行嚴禁。不致有所藉口。以杜流弊。惟該項條例原由內政部會同該會呈准公布。事關變更法令。自應會商辦理。俾臻週妥。故該會已據情咨請內政部查照察酌核辦。旋准內部咨覆。深表贊同。即請該會主稿會呈。再內政部對於該項條例第九條第三項。只列有財政交通兩部。並未將銑道部列入。應修正爲管理海陸交通及輸出入機

關長官具有應獎或應懲事項時。應由財政交通或鐵道部會商內政部行之。並函禁烟會備案。但應受升用獎勵或褫職處分時。由財政交通鐵道部會同內政部。呈請國府行之。昨禁烟會已擬就會呈稿咨送內政部會核判行。以便繕呈國府核准施行矣。

國際聯合會催送禁烟報告

全國禁烟委員會。准外交部公函開。據國際聯合會秘書長函稱。按照一九二七年三月十一日行政院所議決。每年應由秘書長函請各國政府在規定日期以前。送致禁烟常年報告。其日期在遠東各國爲十月一日。其他各國爲七月一日。又查行政院本年三月七日之會議。曾注意禁烟顧問委員會第十二屆報告。謂有數國政府。從未有常年報告送來云云。並根據該委員會報告員坎拿大代表之提議議決。凡未送常年報告以及報告不詳或報告格式不合之各國政府。應由秘書長專函催詢。並將重視禁烟常年報告之意。以明請各國政府注意等語。爲此函達貴國政府。務請在規定日期內。將一九二八年分禁烟常年報告送來。其格式應依照顧問委員會所定者填註。茲附上格式一份。即希查照等因。查該秘書長前曾函催我國按時編送緝獲烟禁報告。業經本部於上年十二月七日。函轉貴會。旋准覆稱。一俟編齊。即行函送等因在案。茲以該秘書長函催照送一九二八年分禁烟報告。查其限期。爲本年十月一日。而自華至歐。郵遞須經月餘。似應於九月一日以前。編送過部。方能如期寄達。爲期已迫。應抄錄英文原函。函請查照迅予辦理云云。聞禁烟會刻已飭宣傳科國際股。速將去年份禁烟報告。彙集整理。譯成英文。俾便於九月一日以前。送外交部轉寄。故近日該會國際股工作。十分緊張云。

國民應有之外交知識

在復旦大學講演

王景岐

國民對於外交上應有的知識。可分三種。(一)外交上的常識。(二)外交應付的知識。(三)外交手段和外交目的認清。鄙人民國五年。一方面在外交上服務。一方面就起首在北大教書。教授通商史。通商條約。和國際公法。一直到出使比國時為止。鄙人教授國際條約和國際法與普通的一班教法。微有不同。不僅教授條約的條文。某條如何說法。某條如何規定。或採用一個著名國際法的課本。按本教授而已。我必定把那個條約裏。那處人不注意的地方。而極應該着意的地方。指示出來。譬如外國人在中國享有領事裁判權一事。當初滿清與各國定約條文。規定是很平常。而令人易於忽略的。那條文大約不過說中國人犯罪。由中國官辦理。外國人犯罪。由外國官辦理。那時在表面上看去。似乎很平常的幾句話。豈知後來便成爲領事裁判權的張本。至今還要幾多唇舌。去把他取消。這都是因爲(一)那時的人缺乏外交上應有的知識的緣故。(二)因爲大處寫的堂堂皇皇。叫你不注意。那知毛病就出在那上頭了。故研究條約不只在犬處注意。尙要格外留心小處或不相干的地方。因爲毛病在這些地方發生的更多呢。講到從前人缺乏外交上的常識。我記得還有可笑的地方。譬如前清和英國定約。還要在約中聲明。英國使臣駐紮中國。不要中國供給房屋糧食旅行。又譬如與美國定約。准美國在中國購買書籍。外國公使駐紮本國。照國際通例。是不要本國供給甚麼的。購買書籍更屬平常的事。何以尙要堂堂皇皇。在約中規定。固然有歷史與環境關係。可見當時人的疏忽了。所以我說國民應有外交上的常識。現在國民政府已統一中國。國際地位增高了許多。外人已不敢輕視。這是我們國民最可幸的事。可是從前中國國家常有不統一情況。我們在外

的外交代表。對外往往很覺爲難。譬如從前鄙人在國際聯盟會的時候。外人往往質問你究竟代表那個政府。如不知道答復或答復得不妥當。更要招外人的笑話。所以當時我說是代表中國全國。南美各國政府。亦時常分裂。他們在國際會議上面。也常遇有此種情形。但國聯並不歧視。因國聯對方是國家。不是政府。這些雖是小小問答。但都是外交上常有的難題。故國民要須常時留意。隨機應變。對答方能得體。又如這次禁烟會議。歷年他們都把我當被告。今年我們翻轉來作原告。把他們置於被告的地位。這就是應付的方法。所以我說國民要有外交上應付的知識。上頭所說的二個例。不過舉一反三的意思罷了。一國的外交手段和一國的外交目的。做國民的人。須要認清楚。中國受了不平等條約的束縛。將近百年。自應努力奮鬥。以期達到廢除目的。但國民須要認得中山先生所倡不平等條約的廢除。是中山先生外交手段的一種。是消極政策。中山先生的外交目的。是在世界大同。那才是積極政策。我們國民不要忽略。所以我們一方面應該遵照中山先生的遺囑。去趕快的廢止一切不平等條約。而一方面還要去籌外交上的建設。以期達到中山先生的外交目的。就是世界大同。照鄙人看來。達到世界的大同。第一要緊的原則是公允。Fairness。我們對待外國人要公允。外國人在中國所取得的一切政治上的權利。自然應該一律收回。如不平等條約。領事裁判權。租界租借地等等。都得要無條件的一律收回。但是對於他們個人正當的權利。因有契約關係。而不碍主權的。當然予以尊重和保護。從前有人主張把中國法律照西方法律的樣子來修改。要使他適合外人的心理。馬凱條約裏頭也是如此說法。我以爲這是大謬不然。中國的法律應求適合于中國人。外國人到我國來居住通商是占的賓位。當然有遵守我國法律的義務。國際通例都是

如此。豈能反客為主迎合外人的意旨嗎。同時對於外國人。一方面我們要使他們了解他們到中國來通商。他們不必藉不平等條約的護符。或武力的恫嚇。來保護他們應得的利益。只要外國人能以公平對待我們。我們當然也以公平還待他們。中外人民的感情就此日加敦睦。他們不特可以保全他們正當的利益。還可以大大擴充他們的商務。我敢說一切不平等條約廢除之後。外人在華商務。還要發達得多多呢。中國法律勿須適合外人的心理。我上面已經說過。我們自身不特外國人所最需要的。就是司法要有真正獨立的精神和法官清廉嚴正的人格。若果此兩層辦到。我們對於外僑的義務已盡。至于對於外人的身分問題。民國七年八月五日的法令。儘够作他們的保障了。剛才鄙人已經說過。中山先生的外交目的是世界大同。要達到大同的目的。當然要在公允上做工夫。中外人民和各國的人民。若能彼此相互的公允相待。自然感情親密。四海一家了。我們國民不可以廢除了不平等條約便自滿足。據個人看法。廢除不平等條約不過是要做到大同目的第一步。因我們還要遵照中山先生的主義。努力于達到大同世界的種種建設呢。

村 政 標 語		
促進村民會議	訓練保衛團丁	最可敬的是要臉
遵守村議禁約	公平調息訟爭	最可佩的是熱心
監察營私舞弊	化除村內壞人	最可愛的是公道
肅清煙賭惡習	養成勤儉美風	最可親的是愛人



特載

本年對村政實察員之詢問事項 七月十五日

- (一) 紳民對於村政有何批評
- (二) 紳民對於縣區人員有何特殊批評
- (三) 縣區人員對於擇定指導村民會議村莊能否認真辦理成效若何
- (四) 縣區人員對於訓練村長副村監察員是否認真能明瞭職責者約有十分之幾
- (五) 縣區人員對於烟賭能否認真查禁全縣烟賭以何區爲最烈有無庇縱情事
- (六) 販吸烟民確已改悔者各有十分之幾
- (七) 該縣家庭工業農家副業應提倡者爲何縣區能否盡力倡辦
- (八) 該縣劫案多寡縣區防範逮捕如何保衛團有無抵制能力
- (九) 該縣災象如何有無妥善救濟辦法
- (十) 對於該縣村政有何改進意見

辦理煙丹案賞金一覽表

查烟丹案賞金係由縣按期呈報省政府經核准後施行此項指令文件除由山西政報登載外茲自上年一月一日起將所辦各案彙集製表陸續登報以供衆覽

縣	名	職	人	被	查	獲	人	賞	洋	數	核	准	日	期	附
曲沃	縣公	安	局	薛	應	德	八	十	五	元	十八年五月十三日				
全				趙	順	榮	二	十		元					
全				元	應	吉	十	五		元					
憲兵	司令	憲兵	弓	泰	誠	許	文	章	六	十	元				
興	縣陸軍及稽查隊			白八子窟立柱等十九人及逸犯						一千三百元					
全	公	安	局	劉	珍	奎	十	五		元					
平陸	縣稽	查	隊	柳	李	順	十			元					
全															
全				周	昌	峯	三	十		元					
全															
全															
方山	縣村長	張興旺	等	楊	增	珍	三	百	二	十	元				
全				趙	檢	大	七	十		元					
靜樂	縣警	佐	崇	俊	李	呂	五			元					
太原市公安局	局長	察	隊	李	洪	第	三	十		元					
永濟	縣卡	警	柳	玉山	常	賈	姓	十		元					
全				探	警	聯	福	玉	丁	合	仁	五			

記

敬 而 華 箱 製



哈哈快看

本廠經售「滬上」各大書局、虎化書、新文化書、經史子集、漢魏碑帖、玻璃版畫冊、中外地圖、教育用品、文具、鑿器、華洋紙張、石印材料、鉛石印機承印、考招雜誌、鈔票文憑、商標證據、傳單廣告、歷來價目低廉、久為各界所贊許、惟顧者每印各種書籍、本廠事繁無以應付、曾失照顧、缺憾良深、特為答謝、雅意起見、——新添設——電力、鉛石印機、業經工竣、望各界駕臨、無任歡迎之至、恐未週知、特此奉告

承售處 臨汾車閘 陽城內 範華公司

北路街棧源太 慶 後社終

山西村政旬刊編纂例

- 一、本刊以傳播村政消息促進民治為宗旨
- 一、本刊暫分法令講演黨聲紀事產育常識衛生常識調查致鏡特載各欄
- 一、本刊法令欄專登村政法規暨公文講演欄專登各長官之講演詞黨聲欄專登黨內重要文件紀事欄專登本處各同會議紀錄及村政紀述產育常識及衛生常識欄專登本處產育研究會表決之生產育兒或衛生等方法調查欄專登實察所得村政之現狀致鏡欄專登中外有關村政及民治之成規著述暨各方針政新聞特種欄專登各項其地重要文件
- 一、本刊每十日出版一次於逢五日集稿於每旬第一日出版
- 一、本刊致鏡欄歡迎外稿如有以是項稿件惠賜者請寄本處編輯部
- 一、來稿登載與否恕不退還惟附郵票預先聲明者不在此限
- 一、來稿一經登載即酌贈本刊一期或者干期
- 一、本刊對於來稿得酌量增刪其不願增刪者請預為聲明

編輯者 山西村政處編輯部
 發行者 山西村政處
 印刷所 太原范華印刷廠

全	半	時	郵費	
			國內	國外
年三十六冊	年十八冊	期冊數	在內	在外
三元六角五	一元九角二元六角			

零售每冊大洋一角郵費國內一分國外四分

全	半	價目	
		面	期
面十二元	面六元	一期	三期
三十六元	十八元	十八期	三十六期
二百元	一百元		
三百元	一百五十元		

以上價目均按普通地位計算特別地位及插畫者另議

邢振基著

山西村政綱要

出版了!!!

山西的村政，已有了十幾年的歷史，他的聲譽，布滿了國內和國外，但是想要明白他的內容和系統，因為缺乏這種著作的緣故，便無從窺其全豹。邢君振基，本其數年來辦理的經驗，悉心研究，著成此書，凡山西村政中各項制度，辦法，及其相互聯屬得關係，均分門別類，詳晰解剖，關心自治者，誠宜人手一編。存書無多，購請從速！

▲全書二百餘頁 實價大洋八角 外埠函購 寄費加一

▲發行所 山西村政處村政旬刊社 分售處 太原晉新書社 太原華印印刷廠 各埠各大書坊

北平日報

人人愛看的

能

代表民衆的意見
闡揚革命的理論
得到靈通的消息
剖解時局的内容
揭破社會的黑幕
介紹優美的文藝

材料豐富
紀載翔實
編製醒目
副刊新穎
印刷精良
插圖美觀

總社

北平西四兵馬司

電話 西局 六五五
西局 一一〇五

訂報價目

本埠每月八角三個月二元
全年八角半
外埠每月一元
全年二元
郵費一角六分